

地皆情欲致然也夫何故而其然乎爲其貪生太厚情欲不止故也然人之情欲莫大於貪生不有其生者則死乎無有矣故貪生爲人之大妄蓋聞善攝生者無思無慮不識不知神不離根抱元入妙全其真也由是知之元妙神真天之與我本無思本無慮本無知本無識本無生本無死也學者一朝頓悟我本不生又焉有死能弘無生之心又何死之有也吁人能參透這箇生死門頭自然現出本來妙相圓陀陀赤灑灑無障無礙無憂無懼則陸行不遇虎兇入軍不被甲兵兇無所投其角虎無所措其爪兵無所容其刃也夫何故而其然乎蓋其知得幻形虛假生死本無故無憂無懼以其無

道藏輯要

道德下經釋辭

哭

心集九  
xix

死地雖有兇虎兵刃亦不能傷害於我

道生之章第五十一

道生之德蓄之物形之勢成之是以萬物莫不尊道而貴德道之尊德之貴夫莫之命而常自然故道生之蓄之長之育之成之熟之養之覆之生而不有爲而不恃長而不宰是爲玄德天地萬物自無而生道本無故曰道生之生而爲有道氣流行著見於外而爲德故曰德蓄之成而爲物物有形故曰物形之物之生剛柔相摩積勢而成故曰勢成之觀夫物之生成皆道生德蓄是以天下莫不尊道而貴德道之尊德之貴莫之爲而爲莫之致而致者自然而然理之常也故物生之

蓄之長之育之成之熟之養之覆之者斯皆道之妙用周流於天地萬物之中而相爲終始也故知此道能生萬物不自以爲有能成萬物不恃以爲功能爲萬物主不自以爲大造化生物之德自然之妙於茲見矣

天下有始章第五十二

天下有始以爲天下母既知其母以知其子既知其子復歸其母沒身不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂襲常天下有始始初無物道本無也故知物乃道之子道乃物之母也既知得物乃道之所生而人亦物物即道也人既與道

道藏輯要

道德下經釋辭

兜

心集九  
X 8 1

爲一應當滅情還空復歸其始而還於道雖終身應世理事圓融何往而非道哉又何危殆之有也塞其兌閉其門者天君內定精氣自還綿綿密密以行之優游安閑以養之閑時得收便收急處要用使用則終身用之而不勞也開其兌濟其事者隨境散亂逐物不反孜孜汲汲而求之紛紛紜紜以擾之靜則念慮千般動則貪求百種終身役役而不返矣小者微也言此理至微人所難知察其精微則物不能爲我蔽故明也退怯守柔則物不能爲我敵故強也光者明之發物至則照用其光也過則捨之光復歸其明矣知放知求又何殃咎之有也光明相續子母互用謂之襲常也